

陈镜淳

前段时间,由南石头街道联合羊城晚报主办的“寻找青春印记·唤醒南石力量”故事会演讲大赛入围,一位人细鬼大概“讲古仔”成功吸引咗大家嘅注意——讲古界新星、9岁大概“淳宝”陈镜淳。咪睇佢人仔细细,其实佢经验丰富,係讲古圈中嘅小红人。就等我哋一起,听淳宝讲讲佢自己嘅故事啦。

谢飞/文 受访者提供/图

人细鬼大讲古仔



小小明星

虽然淳宝依家得9岁,但佢从4岁开始,就已经接触电视广播行业。仲读紧幼儿园嘅淳宝,被老师发现佢精灵活泼、口才了得,就发掘佢去参加电视综艺节目。好似《粤韵风华》《青春开学礼》《透过镜头看非遗》等广州街坊都好中意睇嘅电视节目,经常都会见到佢嘅身影。今年春节前,适逢北京路花市重开,淳宝喺现场表演粤语讲古,吸引大批路人捧场!除咗係电视框中嘅小红人,淳宝仲join过好多比赛,诗朗诵、讲古仔、行catwalk、真人秀等各种类型比赛都参加过,尽show自己嘅多才多艺,唔少仲攞咗好叻叻嘅名次添。



新讲古人

淳宝的讲古才艺,师从粤语讲古艺人彭嘉志,当时,淳宝同彭老师一起录制节目,咁啱就係关于拜师学艺嘅情节,于是乎两人就顺势结为师徒。淳宝一家係地道嘅广府人,日常生活都係讲粤语嘅,深知粤语传承嘅意义,同时佢亦都好希望通过自己身体力行,为传承呢份传统文化做出贡献。粤语讲古,已经从过去嘅茶楼听书、收音机听连载,演变到网络随开随有,多渠道发展。而层出不穷的讲古比赛、交流活动,也令到呢项传统玩意儿不断玩出新花样。年纪轻轻嘅淳宝,成为新一代粤语讲古人,正体现出粤语文化在不断被传承的过程中,不断有新血加入、有新力量输出,历久弥新的强大生命力。

多才多艺

由于爹地妈咪都係艺术专业出身嘅,对淳仔中意学嘅才艺都好支持,淳宝从细就好有表现欲,唔怕晒陌生人前表演。除咗口才了得,淳宝仲精通十八般武艺,街舞、钢琴、画画、烘焙、武术等无一不爱。不过,淳宝话学习越嚟越紧张,会暂时放下一些兴趣爱好,但讲古这个技能,佢话就一定坚持学下去。



潮人小档案

姓名:陈镜淳
星座:巨蟹座
爱好:讲古、街舞、钢琴、绘画、编程等
威水史:
2023年“寻找青春印记,唤醒南石头力量”主题赛征文三等奖,演讲三等奖
2022年“穗港澳青少年文化交流季-粤港澳小学生故事大会”粤语小学组故事精英奖
2022年“湾区少年说”粤港澳青少年交流展示三等奖
2022/2021年连续两年参与“广州开学第一课——青春开学礼”节目录制
2021年“非遗少年说”第二届广东非物质文化遗产青少年演讲展示优胜奖/人气网络奖

姚焕然老师指导淳仔